



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

48. De Choriberto rege, qui res Ecclesiast. inuasit, eiusq[ue] diuina vltione.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

D. Gregorius Tironensis Episcopus lib. 1. cap. 29. De miraculis D. Martini. De Chariberto rege qui res Ecclesiasticas inuasit, eiusque divina ultione.

CAP. XLVIII.

Charibertus rex, cum exosis clericis, Ecclesias Dei negligeret, despectisque sacerdotibus, magis in luxuriam declinasset, ingestum est eius auribus, locum quendam, quem basilica sancti Martini diuturno tempore retinebat, fisci suo iuri, reddique debere. Loco autem illi Nauicellis nomen Prisca vetustas indiderat, qui accepto iniquo consilio, pueros velociter misit, qui Remiculam illam suo dominio subiugarent. Cumque hac recte possidens videretur habere, iussit in locum illum stabularios cum equitibus dirigi, ibique sine aequitatis ordine precepit equos ali. Accedentes ergo pueri foenum, quod coaceruatum fuerat, accipiunt in equorum expensas. Cumque iniunctum studiosè ageretur seruitium, atque equi appositum foenum cepissent expendere, corripiuntur rabie. Et frementes ad inuicem diruptis loris, per plana profiliunt, & in fugam vertuntur, & sic male dispersi, alij excoecantur, alij rupibus precipitantur, alij se sepibus ingerentes, palorum acuminibus transfodiuntur. Tandem stabularij iram Dei intelligentes, paucos extra terminum loci, quos assequi potuerunt, expellunt, sanosque recipiunt, nunciantes regi

rem illam iniustissimè retineri. Et ideo hæc cum fuissent perpessi, dixerunt: Dimitte eam & erit pax tibi. Qui furore repletus, sic dixisse fertur, siue iustè siue iniustè reddi debeat, regnante me, hanc basilicam non habebit: qui protinus diuina inlitione transitum accipiens quieuit. Adueniente autem gloriosissimo Sigiberto rege, in eius regnum ad suggestionem beati Eufronij Episcopi, hoc in domo sancti Martini restituit, quod vsque huc ab eius basilica possidetur. Audite hæc omnes potestatem habentes, sic vestite alios, vt alios non spoliatis, hoc adiungite vestris diuitijs, vt damna non inferatis Ecclesijs. Vindex est enim DEVS velociter seruorum suorum.

Eutropius lib. 17 rerum Romanarum. Niceph.

Callist. lib. 18. cap. 28. De pœna violantium

Ecclesiam & reliquias S. Alexandri martyris.

CAP. XLIX.

ANno 18. Imperij Mauritij, Chaianus cū barbaro exercitu suo Diriziperam venientes, ciuitatem depopulati sunt, & Alexandri martyris Ecclesiam incenderūt, sepulchrumque illius argenteo tecto cooperatum spoliant. Sed & iniurijs quoque martyris corpus afficiunt, multamque in Thrace prædam capientes, epulabantur splendide, contra Romanos elati. Deus autem vindictam martyris faciens Alexandri, pestilentiam langoris barbaris intulit, & in vno die septem

Ff

filios